

廣雅疏證

一



廣雅疏證

一

廣雅疏證

(一)

張揖撰
王念孫疏證

廣雅疏證原序

昔者周公制禮作樂爰著爾雅其後七十子之徒漢初綴
學之士遞有補益作者之聖述者之明卓乎六藝羣書之
鈐鍵矣至於舊書雅記詁訓未能悉備網羅放失將有待
於來者魏太和中博士張君稚讓繼兩漢諸儒後參攷往
籍徧記所聞分別部居依乎爾雅凡所不載悉著於篇其
自易書詩三禮三傳經師之訓論語孟子鴻烈法言之注
楚辭漢賦之解讖緯之記倉頡訓纂滂喜方言說文之說
靡不兼載蓋周秦兩漢古義之存者可據以證其得失其
散逸不傳者可藉以闡其端緒則其書之爲功於詁訓也

大矣念孫不揆樛昧爲之疏證殫精極慮十年於茲竊以
詁訓之旨本於聲音故有聲同字異聲近義同雖或類聚
羣分實亦同條其貫譬如振裘必提其領舉網必挈其綱
故曰本立而道生知天下之至噴而不可亂也此之不寤
則有字別爲音音別爲義或望文虛造而違古義或墨守
成訓而尠會通易簡之理旣失而大道多岐矣今則就古
音以求古義引伸觸類不限形體苟可以發明前訓斯凌
雜之譏亦所不辭其或張君誤采博攷以證其失先儒誤
說參酌而寤其非以燕石之瑜補荆璞之瑕適不知量者
之用心云爾張君進表廣雅分爲上中下是以隋書經籍

文所考

陸德明經典釋文敘錄云釋詁一篇蓋周公所作

梁文所補

張揖論之詳矣邵氏二雲曰漢書藝文志爾雅

三卷二十

篇張揖謂周公著爾雅一篇今所傳三篇爲後

人增補

是張揖所謂篇卽漢書所謂卷猶云周公所作祇

一卷後人

增補乃有三卷耳陸氏乃以周公所作爲二十

篇之一

始考之不審以致斯誤郝各本譌作刺今據說文

訂正考爾

雅疏引作箸疑本作箸譌作者又譌作考也直

齊書錄解

題引此作皆解家所說先師口傳既無正諍聖

考則南宋

本已譌

人所言是

故疑不能明也夫爾雅之爲書也文約而義固

其敝道也

精研而無誤真七經之檢度學問之階路儒林

之楷素也

鄭注士喪禮云若其包羅天地綱紀人事權揆

制度發百

家之訓詁未能悉備也臣揖體質蒙蔽學淺詞

頑言無足

取竊以所識擇擇羣藝

說文云

文同義異音轉

失讀入方殊語庶物易名不在爾雅者詳錄品覈以箸于

篇

說文云

凡萬入千一百五十文

今本廣雅凡萬六千九百一十三文刪衍文九

十六補脫文五百九共文萬七千三百二十六較表內原數少入百二十四

分爲上中下以頌

方徠俊哲洪秀偉彥之倫扣其兩端摘其過謬令得用諝

說文云

諝知也亦所企想也臣揖誠惶誠恐頓首頓首外罪外罪

上廣雅表

博士臣揖言

魏江式表云魏初博士清河張揖著廣雅唐顏師古漢書敘例云張揖字稚讓清河人一

云河間人魏太和
中爲博士

臣聞晉在周公續述唐虞宗翼文武剋定

四海勤相成王踐阼理政

昨各本譌作祚惟影宋本不譌

曰吳不食坐而

待旦德化宣流越裳俶貢嘉禾貫桑六年制禮以導天下

箸爾雅一篇以釋其意義

各本脫意字邢昺爾雅疏引此已然藝文類聚則引作釋其意

義案神仙傳云噴墨皆成文字滿紙各有意義又傳云小小作文皆有意義是意義連文之證今據補傳云後

享厯載五百墳典散零唯爾雅恒存禮三朝記

蜀志秦宓傳注引劉

向七略云孔子三見哀公作三朝記七篇今在大戴禮案大戴禮千乘四代虞戴德詒志小辨用兵少閒七篇是也

下文出小辨篇

哀公曰寡人欲學小辨以觀於政其可乎孔子曰

爾雅以觀於古足以辯言矣

大戴禮盧辯注云爾近也謂依於雅頌孔子曰詩可以言

可以怨邇之事父遠之事君多識鳥獸草木之名也是盧氏不以爾雅爲書名案彼文云循弦以觀於樂爾雅以觀於古謂循乎弦爾

平雅也盧說爲長

春秋元命包言子夏問夫子作春秋不

以初哉首基爲始何

春秋元命包春秋識也後漢張衡以爲漢世虛僞之徒所作張衡傳載之

詳矣云作春秋不以初哉首基爲始者當是釋春秋元年之義公羊傳云元年者何君之始年也爾雅云初哉首基元始也春秋不以初哉首基等字

爲始而獨以元爲始故釋之與

是以知周公所造也率

斯以降超絕六國越踰秦楚

各本作越秦踰楚爾雅疏引作越踰秦楚案超絕越踰相

對爲文疏所引者

爰暨帝劉魯人叔孫通撰置禮記文不

是也

今據以訂正後漢書曹褒傳有班固所上叔孫通漢儀十二篇

今俗所傳三篇爾雅或言

仲尼所增或言子夏所益或言叔孫通所補或言郝郡梁

志作三卷而又云梁有四卷不知所析何篇隋曹憲音釋
隋志作四卷唐志作十卷今所傳十卷之本音與正文相
次然館閣書目云今逸但存音三卷是音與廣雅別行之
證較然甚明特後人合之耳又憲避煬帝諱始稱博雅今
則仍名廣雅而還音釋於後從其朔也憲所傳本卽有舛
誤故音內多據誤字作音集韻類篇太平御覽諸書所引
其誤故音內今本同蓋是書之譌脫久矣今據耳目所及
旁攷諸書以校此本凡字之譌者五百八十脫者四百九
十衍者三十九先後錯亂者百二十三正文誤入音內者
十九音內字誤入正文者五十七輒復隨條補正詳舉所

由廣雅諸刻本以明畢效欽本爲最善凡諸本皆誤而畢本未誤者不在補正之列 最後一卷子

引之嘗習其義亦卽存其說竊放范氏穀梁傳集解子弟列名之例博訪通人載稽前典義或易曉略而不論於所不知蓋闕如也後有好學深思之士匡所不及企而望之嘉慶元年正月高郵王念孫序

廣雅疏證卷一上

畿輔叢書

魏清河張揖撰

高郵王念孫疏證

釋詁

古咎先創方作造朔萌芽本根葉龍萃昌孟鼻業始也

作者魯頌駟篇思馬斯作毛傳云作始也作之言乍也
乍亦始也皋陶謨烝民乃粒萬邦作乂作與乃相對成
文言烝民乃粒萬邦始乂也禹貢萊夷作牧言萊夷水
邊始放牧也沱潛既道雲夢土作乂作與既相對成文
言沱潛之水既道雲夢之土始乂也夏本紀皆以爲字
代之於文義稍疏矣造者高誘注呂氏春秋大樂篇云
造始也孟子萬章篇引伊訓云天誅造攻自牧宮朔者
禮運云皆從其初皆從其朔葉與萌芽同義盤庚云若
顛木之有由葉芽米謂之葉災始生謂之孽義竝與葉
同龍萃者方言龍律始也律與華通說文犀始開也從
戶聿聿亦始也聲與華近而義同凡事之始卽爲事之
法故始謂之方亦謂之律法謂之律亦謂之方矣昌讀

爲倡和之倡王逸注九章云倡始也周官樂師教愷歌
遂倡之鄭注云故書倡爲昌是昌與倡通鼻之言自也
說文自始也讀若鼻今俗以始生子爲鼻子是方言鼻
始也瞿之初生謂之鼻人之初生謂之首莊子天地篇
誰其比憂比司馬彪本作鼻云始也漢書揚雄傳或鼻
祖於汾隅劉德注亦云鼻始也業與基同義故亦訓爲
始齊語擇其善者而業用之韋昭注云業猶創
也史記太史公自序云項梁業之子羽接之

乾官元首主上伯子男卿大夫令長龍嫡郎將日正君也

乾者說卦傳云乾爲君官各本譌作宮惟影宋本不譌
官與長同義故皆訓爲君伯子男卿大夫者爾雅王公
侯君也公侯而下則爲伯子男及卿大夫之有地者
服云公士大夫之衆臣爲其君傳曰君謂有地者也令
者呂氏春秋去私篇南陽有令高誘注云令君也長者
周語古之長民者韋昭注云長猶君也龍者賈子容經
篇云龍也者人主之譬也嫡者娶服妾爲女君鄭注云
女君君適妻也適與嫡通歸妹六五云其君之袂不如
其娣之袂良君亦謂嫡也郎之言良也少儀負良綏鄭
注云良綏君綏也良與郎聲之侈弇耳猶古者婦稱夫

曰良而今謂之郎也將讀將帥之將呂氏春秋執一篇
注云將主也日者祭法王宮祭日也注云王宮日壇也
王君也日稱君正者爾雅正長也楚語武丁
於是作書曰以余正四方余恐德之不類

道天地王皇寶籙博殷粗兄亢沛祈齡衍臨巨佳方夸匪
凱殷張覺封葵太賢胡膠廣旁奄勑勛朴魁訐沈岑賁誦
釋頤頤颺颺敢芋綢袞類萬觴駮都大也浩漭

道天地王皇者老子云有物混成先天地生吾不知其
名字之曰道強爲之名曰大故道大天天大地大亦大
域中有四大而王居其一焉爾雅釋詁疏引尸子廣澤
篇云天帝皇后辟公皆大也說文天顛也至高無上從
一大是天與大同義孟子滕文公篇引書云惟臣附于
大邑周多士云肆子敢求爾于天邑商天邑猶大邑也
禮謂大父爲王父是王與大亦同義豐通作豐豐彖傳
云豐大也說文豐大屋也彖者說文恢大也襄四年左
傳云用不恢于夏家大十五年公羊傳云郭者何恢郭
也恢與彖通殷者嚳大託主人具殷奠之禮鄭注云殷

猶大也莊子秋水篇云夫精小之微也埤大之殷也微亦小也殷亦大也山木篇云翼殷不逝目大不覩楚辭九歎帶隱虹之透蛇王逸注云隱大也隱與殷聲近而義同粗曹憲音在戶反管子水地篇云非特知於麤粗也察於微眇春秋繁露俞序篇云始於麤粗終於精微論衡正說篇云略正題目麤粗之說以照篇中微妙之文粗字亦作麤說文麤角長兒從角片聲讀若麤麤淮南子犯論訓云風氣者陰陽麤麤者也漢書藝文志云庶得麤麤隱元年公羊傳注云用心尚麤麤晏子春秋問篇云纓密不能麤茸學者詘論衡量知篇云夫竹木麤茸之物也並與麤粗同麤倉胡反粗在戶反二字義同而音異故廣雅以麤粗並列管子晏子淮南子春秋繫露漢書論衡諸書皆以麤粗連文後人亂之久矣兄者釋名兄荒也荒大也故青徐人謂兄爲荒也荒通作荒晉語云在周頌曰天作高山大王荒之荒大之也說文荒水廣也引泰九二包荒用馮河今本作荒沛者文十四年公羊傳云力沛若有餘漢書五行志云沛然自大祐之言碩大也祐曹憲音託各本謄作祐惟影宋本不謄說文繫傳引字書云祐張衣令大也玉篇祐廣大也太元元瑩云天地開闢宇宙祐坦漢白石神君碑云

開拓舊兆文選魏都賦注引倉頡篇云斤大也莊子田
子方篇揮斤入極李軌音託漢書揚雄傳云拓迹開統
拓斤並與拓通魯頌閟宮篇松栢有易毛傳云易大貌
徐邈音託義亦與拓同齡者表記君子不矜而莊鄭注
云矜謂自尊大也僖九年公羊傳矜之者何猶曰莫若
我也何休注云色自美大之貌矜與齡通齡曹憲音矜
各本齡字並謬作摘集韻類篇摘居陵切引廣雅摘衍
大也則宋時廣雅本已謬作摘案字從鹵聲者不得有
矜音故說文玉篇廣韻皆無摘字爾雅矜苦也釋文作
齡廣雅齡哀也是矜齡古多通用今據以訂正衍者楚
辭天問其衍幾何王逸注云衍廣大也漢書郊祀志德
星昭衍顏師古注云衍大也臨者序卦傳云臨者大也
靈樞經通天篇云太陰之人其狀臨臨然長大文十八
年左傳高陽氏有才子入人蒼舒隤數橋戴大臨龍降
庭堅仲容叔達自庭堅以上皆以二字爲名爾雅麗洪
大也洪與降古同聲大臨龍降或皆取廣大之義與臨
之言隆也說文隆豐大也隆與臨古亦同聲故大雅皇
矣篇與爾臨衡韓詩作隆衡漢書地理志隆慮荀子彊
國篇作臨慮矣佳者善之大也中山策佳麗人之所出
高誘注云佳大麗美也大雅桑柔箋云善猶大也故善

謂之佳亦謂之介大謂之介亦謂之佳佳介語之轉耳
 方者堯典云共工方鳩倖功湯湯洪水方割皆大之義
 也晉語今晉國之方韋昭注云方大也夸者說文夸奢
 也從大于聲方言于大也夸許芋竝從于聲其義同也
 凱者呂氏春秋不屈篇云詩曰愷悌君子愷者大也悌
 者長也愷與凱通般者方言般大也郭璞音盤桓之盤
 大學心廣體胖鄭注云胖猶大也士冠禮注云弁名出
 於槃槃大也言所以自充大也槃胖竝與般通說文幣
 覆衣大巾也鞶大帶也訟上九或錫之鞶帶馬融注云
 鞶大也文選嘯賦注引鞶類云磐大石也義竝與般同
 說文伴大兒伴與般亦聲近義同凡人憂則氣斂樂則
 氣舒故樂謂之般亦謂之凱大謂之凱亦謂之般義相
 因也覺者小雅斯干篇有覺其楹毛傳云有覺言高大
 也緇衣引詩有桔德行鄭注云桔大也直也桔與覺通
 封之言豐也商頌殷武傳云封大也堯典云封十有二
 山封墳語之轉故大謂之封亦謂之墳冢謂之墳亦謂
 之封冢亦大也樊者說文第大也從大弗聲玉篇作樊
 周頌敬之篇佛時仔肩毛傳云佛大也佛與樊通爾雅
 緇絳也孫炎以爲大索緇衣王言如絳其出如綸王言
 如綸其出如綽鄭注云言言出彌大義與樊同也爾雅